



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 29. Bellum Genuensibus ab Arragonio illatum

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

§. XXIX.

Sæcul. XV.
A. C. 1457.*Bellum Genuensibus ab Arragonio
illatum.*

Vix Alphonfi classis passis pleno sinu velis in altum Oceani provehebatur, dum eadem sex jam Genuensium naves penes Montis-Crecelli cacumina invasit, cepitque. Prima hæc Martis auspicia nonnisi acrioris longe belli præludia erant; Equidem foederati, ut funesta magis fata prævenirent, Regem cum Republica conciliare nitebantur, sed omnem conatum elusit Alphonfi animus ad pacem minime propensus. Hic quippe ab ipsis Genuensibus patria ejectis instigatus, hujus ditionis Metropolim obsidione premere statuit, nihil proficientibus Perini Fregosi, eo tempore Reipublicæ Ducis, precibus, oblatisque ab eo pacis conditionibus. Rex enim nullam concordiae viam admittere decrevit, donec Fregosus supremo sese abdicaret imperio, illudque Adornis cederet. Dux Regis potentiae resistendo impar, Genuensibus auctor fuit, ut Caroli VII. Galliarum Regis tutelæ sese committerent, cui etiam arcem, ceteraque nobiliora status loca tradiderunt. Inde vero tractatu temporis satis diuturnum æque ac pertinax bellum exarsit.